

# 漢皋話舊

張兆蓉

余服務平漢鐵路二十餘載，而同學中與余共事最久相之交最契者，爲汪啓泰、汪友麟、蕭孟壬、涂汝巽、四君，前者一人屬英文班，後者三人屬法文班。

民十二年間，余方主持平漢南段運輸，兼辦軍運，事極叢脞，斯時四君適由平校畢業奉派來漢，助余理繁治劇，得以應付裕如，幸免隕越，至今余猶感念不置！民十七年，國民革命軍北伐成功，全國統一，平漢路局，由平遷漢，局務大加改組，余調總務，四君仍與余同處辦事，日夕相處，前後十餘年，未嘗他離。茲爰就四君之才學品格，簡述如下：——汪啓泰君中英文俱優，才華卓越，爲人溫文儒雅，淡於名利，三十六年間，應陳處長清文之邀，來臺任鐵路局專員兼秘書之職，甚爲當局器重；余於京滬淪陷之前夕，倉皇避地鯤島，復與聚首一方，舊雨重逢，喜何可

言，故過從極密，每於風晨雨夕，把臂長談，倍感親切。——汪友麟君治事富責任心，長于肆應之才，抗戰勝利後，民元同學譚耀宗君奉交通部之命，重組鐵路聯運處于首郢，約其住宛總務，肇劃周詳，深爲讚許。憶渠及啓泰初到漢時，年少翩翩，丰度瀟灑，俱有美男子之稱，余偶與同作北里遊，羣雌粥粥，圍觀如堵，宛有看殺衛玠之概。——蕭孟壬君腦筋清晰，處事精明，尤擅長公文，遇有重要函電章則，多由其起草，運筆如飛，一揮而就，誠吾輩中之健者，不幸才長命短，抗戰期間，偶沾微恙，誤服庸臣之藥，因而不起，良深惜惋！其夫人馮鑄女士，年甫七齡，即能作擘窠大字，筆力勁道，羣目爲神童，迨十餘歲，書法益工，求墨寶者絡繹不絕，武漢市上之坊肆，現有不少市招，皆馮女士之所書。——涂汝巽法文精湛，

擔任編譯諸工作，綽有餘裕，性端重耿直，不苟言笑，不喜酬酢，與人落落寡合，對同事中阿諛取容趨炎附勢者流，尤深惡痛絕，避不與談，凡逢年節，或遇上司作壽及育兒之慶，絕不送禮往賀，在現社會中，人人爭尙奔競鑽營之術，獨渠有此硬派作風，真如鳳毛麟角之不可多得也；大陸變色，與友麟均陷於鐵幕，不及逃出。

平院十二級法文班同學，現在臺供職者，尙有魏榕君一人，曾充平漢、隴海、粵漢、等路車務段長總段長各要職，及臺省鐵路局專門委員、交通處技術室主任、路政科長，歷有年所，飽學多才，亦吾同學中之佼佼者，凌竹銘先生甚賞識之。再平校自十二年起將鐵路管理法文班停辦，特附誌於此。

四十一年度同學錄前經分送各連絡幹事轉發各同學。如有未收到者，請函臺北郵政信箱五六六號當即補寄。但僅存有十冊，先到先寄，寄完爲止，已領到者請勿再索。